

古今文綜

野居書肆

古今文綜 第三部 碑文墓銘之屬

第十八冊

目錄

第一編 碑文類

第二章 紀事碑文

(甲)紀功

漢蔡邕太尉楊賜碑

北魏溫子昇寒陵山寺碑

唐德宗西平王李晟東渭橋紀功碑

唐韓愈平淮西碑

唐段文昌平淮西碑

唐呂溫三受降城碑銘

(乙)德政

陳徐陵司空徐州刺史侯安都德政碑

陳徐陵晉陵太守王勵德政碑

唐張說廣州都督嶺南按察五府經略使宋公遺愛碑頌

清朱仕琇松溪令潘公去思碑

(丙) 教思

清梅曾亮葉石農先生教思碑

清譚獻唐先生教思碑

(丁) 饗序

清侯方域代宋太保作重修書院碑記

清陸燿蒿庵書院碑

清沈近思潁葛岡社學碑記

清董基誠代撰三水縣重修學宮碑記

(戊)名蹟

漢班固高祖泗水亭碑銘

漢蔡邕光武濟陽宮碑

唐梁肅漢高士嚴君釣臺碑

清孫星衍代撰大清防護昭陵之碑

(己)殉難

清曾國藩林君殉難碑記

清曾國藩何君殉難碑記

清張裕釗贈道銜湖北升用知府荆門直隸州知州李剛介公殉難碑記

(庚)雜誌

魏曹植大饗碑

梁元帝荊州放生亭碑

陳徐陵長干寺衆食碑

北周庾信溫湯碑

唐張謂長沙土風碑銘

唐李商隱道士胡君新井碣銘

清計東潁州重復西湖碑記

清胡天游餘姚縣復江橋碑

清彭紹升卓行碑

清魯一同代撰新撥中營養馬灘地碑

清莊士敏代撰福建行省重濬城河碑記

清譚獻葉君修橋碑

第二章 碑文之其餘各體

(甲)刻石

秦李斯嶧山刻石

秦李斯泰山刻石

秦李斯瑯琊臺刻石

秦李斯會稽刻石

(乙) 碑陰

唐柳宗元大明和尚碑陰

唐柳宗元無姓和尚碑陰記

唐柳宗元唐丞相太尉房公德銘之陰

唐孫樵刻武侯碑陰

清胡天游刻田單將軍碑陰

(丙) 碑系

清汪中繁昌縣學宮後碑系

(丁)後碑

清汪士鐸屈子祠堂後碑

(戊)題名

唐顏真卿東林寺題名

唐顏真卿西林寺題名

五代景迢東林寺題名

五代夏謙東林寺題名

(己)造象記

北魏北海王元詳造象記

唐李承嗣造像記

古今文綜

第三部 碑文墓銘之屬

第十八冊

杭縣張 相譔錄

杭縣姚漢章閱訂

第一編 碑文類

第二章 紀事碑文

文事流別。變而加厲。宮廟有碑。無與於文。俄而列以文焉。紀事諸作。不必於碑。俄而被諸碑焉。要其事資久遠。誼取昭垂一也。石墨流傳。充乎宸府。衡其大別。墓文而外。不過兩類。一曰祠廟。一曰紀事而已。抑記文之作。往往刻石。碑之與記事斯聯屬。茲編義取斷截。凡記之標題。不以碑名。均別入志記類。

(甲)紀功

考之周禮。國功曰功。戰功曰多。奠乎山川。光乎區宇。闕而不紀。後

嗣何觀。亦書太常銘鐘彝意也。特詞有繁簡爾。錄文凡六首。

漢蔡邕太尉楊賜碑

公諱賜。字伯猷。弘農華陰人。姬姓之國。有楊侯者。公其後也。其在漢室。赤泉侯佐高丞相翼宣。咸以盛德光於前朝。祖司徒。考太尉。繼蹟宰司。咸有勛烈。公承家崇軌。受天醇素。欽承奉媾。閑於伐柯。烈風維變。不易其趣。文藝典籍。尋道入奧。操清行朗。潛晦幽閒。不答州郡之命。辟大將軍府。不得已而應之。遷陳倉令。公乃因是行。退居廬。公車特徵。以病辭。司空舉高第。拜侍中。越騎校尉。帝篤先業。將問故訓。公以羣公之舉。進授尚書於禁中。遷少府。光祿勳。敬揆百事。莫不時序。庶尹知恤。闐闐推清。列作司空。地平天成。陰陽不忒。公遂身避。託疾告退。又以光祿大夫受命。司徒敬敷五品。宣治人倫。變和化理。股肱耳目之任。靡不克明。及至太尉。四時順動。三光耀潤。羣生豐遂。太和交薄。三作六卿。五蹈三階。受爵開國。應位特進。非盛德休功。假於天人。孰能該備。寵榮兼包。令錫如公之至者乎。公禮資明哲。長於知見。凡所辟選。升諸帝朝者。莫非瑰才逸秀。并參諸佐。維我下流。二三小臣。穢損。

清風愧於前人。乃糾合同寮各述所審。紀公勲績刊石立銘。以慰永懷。銘曰。
天降純嘏。篤生柔嘉。俾胤祖考。光輔國家。三業在服。帝載用和。粵暨我公。允執忠
貞。在棟伊隆。於鼎斯寧。德被宇宙。華夏以清。受茲介福。履祚孔成。爲邑河渭。袞冕
紱珽。以佐天子。祇事三靈。丕顯伊德。萬邦作程。爰銘爰贊。式昭懿聲。

北魏溫子昇寒陵山寺碑

昔晉文尊周。績宣於踐土。齊桓霸世。威著於召陵。並道冠諸侯。勲高天下。衣裳會
同之所。兵車交合之處。寂寞消沉。荒涼磨滅。言談者空知其名。遙遇者不識其地。
然則樹銅表。跡刊石。記功有道。存焉可不。尙歟。永安之季。數鍾百六。天災流行。人
倫交喪。爾朱氏旣絕。彼天綱斷。茲地紐祿。去王室政。出私門。銅馬競馳。金虎亂噬。
九嬰暴起。十日並出。破壁毀珪。人物旣盡。頭會箕斂。杼軸其空。大丞相渤海王命
世作宰。惟幾成務。標格千仞。崖岸萬里。運鼎阿於襟抱。納山岳於胸懷。擁玄雲以
上騰。負青天而高引。鐘鼓嘈囋。上聞於天。旌旗繽紛。下盤於地。壯士凜以爭先。義

夫憤而競起。兵接刃於斯場。車錯轂於此地。轟轟隱隱。若轉石之墜。高崖硤硤。礧礧。礧如激水之投。深谷俄而霧捲雲除。冰離葉散。靡旗蔽日。亂轍滿埜。楚師之敗於柘舉。新兵之退自昆陽。以此方之。未可同日。既考茲沃壤。建此精廬。砥石礪金。瑩珠琢玉。經始等於佛功。制作同於造化。息心是歸。淨行攸處。神異畢臻。靈仙總萃。鳴玉鸞以來遊。帶霓裳而至止。翔鳳紛以相囀。飛龍蜿而俱躍。雖復高天銷於猛炭。大地淪於積水。固以傳之不朽。終亦記此無忘。

唐德宗西平王李晟東渭橋紀功碑

天有柱以正其傾。地有維以紐其絕。皇王有輔佐以濟其艱難。非命曆所歸。不得生良弼。非君臣相合。不能集大勳。非暴亂弘多。不足表忠節。非奸猾熾焰。不克展雄才。天與事肆會。然後臣功著。而王業興焉。高祖太宗拓跡垂統。掃乾坤之沴氣。拯生靈之塗炭。其受命也正。其布澤也寬。六宗丕承。克廣前列。雖遇屯否。化危成安。二百年間。五夷大難。由內以正宸極者。再自外而復都邑者。三山岳降神。雲龍

叶契繼生賢哲。保定邦家。神龍中諸武擅權。基間王室。則有若扶陽王彥範等。推戴中宗。紹復洪業。景龍末。嬖韋窺國。瀆紊乾綱。則有若徐國公幽求等。左右玄宗。掃除兇穢。天寶之季。盜起幽陵。翠華南征。潼關不守。廣德之際。戎軼邠郊。皇輿東巡。鄆宮罷警。則有若尚父子儀等。殄殄醜逆。冊肅宗於岐。攘却蕃夷。翊代宗於陝。建中四祀。寇發上京。暴蔑人神。僭稱名器。則有若西平王晟等。翦滅大憝。廓清中區。惟茲數公。異時同德。道濟於社稷。勲書於鼎彝。唐之得人。於斯爲盛。東渭橋抵王城東北四十里。而國之廩積在焉。始晟於此。駐孤軍。糾羣帥。俟時而動。一舉成功。予是用揚其美。而紀其功。以明事之有因。謀之有素也。粵若菲德。嗣膺大寶。化乖柔遠。明不燭幽。淮右賊臣。提兵犯順。憑陵汝服。震壓洛師。朕憫將吏之受汙。哀烝黎之無訴。罔思衛己。姑務靖人。亟發禁師。東征不軌。猶慮勝敵之未勇。乃徵涇師以繼之。賊泚畜姦。覷隙乘便。餌誘貪卒。扇結暴徒。伺其不虞。譟聚犯闕。朕引咎出次。薄犯二畿。封豕長蛇。穴處宮廟。磨牙噴毒。噬螫害人。晟時總偏師。遠戍河朔。

曾不俟召。聞難駿奔。鼓義勇。仗順之師。吞敗亡。稔惡之寇。雄威勝勢。疾若飊馳。屬賊帥昏迷。恃衆貪亂。誘我蠡賊。連謀內逼。朝廷載遷。關河長擾。豺狼塞路。羿澆爭驅。人煙絕於井邑。陰燐交於田野。物情大駭。蕩然靡依。晟乃設會軍門。哭而誓衆。國讎不滅。無以身爲。遂發感激。嗚咽流涕。天地爲之變色。將帥爲之動心。軍中較然。知有逆順。晟乃度公積。計私課。程賞典。定刑章。行令自身。錄功先下。由是勇者奮力。智者効謀。其氣增倍。其心如一。屹立堅壁於渭之陽。姦逆畏威而震懼。忠義奮氣而聳慕。分二兇之勢。不敢相附。爲諸鎮之援。俾得自堅。晟之力也。一月守暨乎夏五月。晟知衆心可用。乃揀日饗士。乙未。陳師於東郊。如虎如貔。如熊如羆。兇徒接戰。累合皆北。倒戈棄甲。罔敵我師。乘而殪之。摩壘而止。戊戌。方旭。連營進攻。賊衆相驚。股戰魄駭。登陴而不敢拒。闔門而不敢窺。晟仗鉞啟行。執桴親鼓。斂隍塹。排墻垣。勝氣兆於風雲。威聲振於原野。指顧摧靡。盪無孑遺。布朝旨以寬脅從。勵臣節以誅同惡。乾坤傾而復紐。皇維弛而更張。遷臬聲爲好音。變祆祲爲和氣。

然後閑戎律。釐軍容。不誼不譁。有嚴有翼。搜苑囿。殄遺寇。清宮門。授彼有司。宣言於衆曰。龔行天討。將以遏亂略。去人害。王師所至。歌舞從之。其或矜勇恃勳。作威肆掠。是則以暴易暴。夫何賴焉。懋功有恆賞。違禁有常罰。惟國之令典。不得以贖論。敢犯令者。殺之無捨。爰擇便地。引軍出屯。馬無錯羣。士必成列。剋敵彌日。都人莫知。徐命有地之官。同諭酈里。士庶聞巨猾之殲殄。而我師□壺觴犒軍。如恐不及者。若赤子之保慈母。涸鱗之赴洪波。或欣而呼。或感而泣。吾是以知烈祖積德。人懷其深。賢臣佐時。功濟其美。晟有興運之略。有匪躬之誠。有定亂之勳。有禁暴之德。俾予從父。垂拱仰成。乃冊拜司徒兼中書令。加實封一千戶。錄功第一。序位居首。事業編乎史冊。德輝流乎頌聲。入爲夔龍。出作方召。贊贊徽烈。中外具瞻。而晟居高牧卑。辭滿守約。崇讓而勳。閔彌耀。惡盈而福。祿攸歸。斯又明哲之規。慎終如始者也。夫制敵在謀。不在衆。感人以義。不以威。當天地屯蒙。邦家離析。援孤者踣。黨勝者強。羣心囂囂。靡所止戾。若風動中野。波騰滄溟。從而拯之。豈易爲力。於

時馬不滿百。駟兵不盈萬人。無郡邑土田之資。無城池險阻之固。獨立不懼。氣吞羣兇。以盡忠誓心。以必死勵己。以大順率衆。以至誠動天。衆心攸同。天意允答。故措軍散地。而不可拔。致討勅寇。而力有餘。國危能安。軍勝能整。古所謂衛社稷者。晟其當之。播揚休風。篆刻貞石。俾厥後嗣。無忘乃功。銘曰。

赫矣我唐。受天眷命。祖功宗德。浸澤儲慶。窮海請吏。遐荒稟令。寧一九服。惠康萬姓。三五以還。莫之與盛。迨予不類。辱守丕圖。燭理匪時。立誠未孚。蠢爾孽臣。扇茲潰徒。震驚朕師。黷穢皇都。宇宙沸騰。人神睚眦。重以統戎。誘姦同貫。播還斯載。歲聿云半。天既悔禍。人胥厭亂。乃錫元臣。夷兇翦叛。昏祲茫茫。橫流湯湯。挺然孤軍。在渭之陽。我城非完。恃順爲防。我旅非衆。同心爲強。由義率人。人皆嚮方。萬事如一。爭先啟行。拗憤求逞。蓄威斯張。力足勢全。時維鷹揚。以戰則克。以謀則臧。指麾之間。羣醜潛亡。鯨鯢既平。宮室既清。軍伍無聲。都人不驚。成功禁暴。自昔稀有。實天生德。彰於厥後。洋洋令名。茲爲不朽。

唐韓愈平淮西碑

天以唐克肖其德聖子神孫繼繼承承於千萬年敬戒不怠全付所覆四海九州罔有內外悉主悉臣高祖太宗既除既治高宗中睿休養生息至於玄宗受報收功極熾而豐物衆地大孽牙其間肅宗代宗德祖順考以勤以容大慝適去稂莠不孽相臣將臣文恬武嬉習熟見聞以爲當然睿聖文武皇帝既受羣臣朝乃考圖數貢曰嗚呼天既全付予有家今傳次在予予不能事事其何以見於郊廟羣臣震懾奔走率職明年平夏又明年平蜀又明年平江東又明年平澤潞遂定易定致魏博貝衛澶相無不從志皇帝曰不可究武予其少息九年蔡將死蔡人立其子元濟以請不許遂燒舞陽犯葉襄城以動東都放兵四劫皇帝歷問於朝一二臣外皆曰蔡帥之不廷授於今五十年傳三姓四將其樹本堅兵利卒頑不與他等因撫而有順且無事大官臆決唱聲萬口和附并爲一談牢不可破皇帝曰惟天惟祖宗所以付任予者庶其在此予何敢不力況一二臣同不爲無助曰光

顏汝爲陳許帥。維是河東魏博邵陽三軍之在行者。汝皆將之。曰重胤。汝故有河陽懷。今益以汝。維是朔方義成陝益鳳翔延慶七軍之在行者。汝皆將之。曰弘。汝以卒萬二千。屬而子公武往討之。曰文通。汝守壽。維是宣武淮南宣歙浙西四軍之在行於壽者。汝皆將之。曰道古。汝其觀察鄂岳。曰愬。汝帥唐鄧隨。各以其兵進戰。曰度。汝長御史。其往視師。曰度。惟汝予同。汝遂相予。以賞罰用命。不用命。曰弘。汝其以節都統諸軍。曰守謙。汝出入左右。汝惟近臣。其往撫師。曰度。汝其往衣服飲食予士。無寒無饑。以旣厥事。遂生蔡人。賜汝節斧。通天御帶。衛卒三百。凡茲廷臣。汝擇自從。惟其賢能。無憚大吏。庚申。予其臨門送汝。曰御史。予閔士大夫戰甚苦。自今以往。非郊廟祠祀。其無用樂。顏胤武合攻其北。大戰十六。得柵城縣二十。三降人卒四萬。道古攻其東南。八戰降萬三千。再入申。破其外城。文通戰其東。十餘遇降萬二千。愬入其西。得賊將。輒釋不殺。用其策。戰比有功。十二年八月。丞相度至師。都統弘責戰益急。顏胤武合戰益用命。元濟盡并其衆。洄曲以備。十月壬